

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ
ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Մայիսի 6-ին ՀՍՍՀ ԳԱ նիստերի դահլիճում տեղի ունեցավ Հայաստանի գիտությունների ակադեմիայի տարեկան ընդհանուր ժողովը, որ գործարար խոսակցություն ծավալվեց գիտական կոլեկտիվների ձևով բերած հաջողությունների, հանրապետության գիտության զարգացման խնդիրների ու հետազոտությունների, կոմունիստական շինարարության պրակտիկայի հետ նրա կապի հետագա ամրապնդման շուրջ:

Ժողովը ներածական խոսքով բացեց Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը:

— Հանրապետության գիտությունների ակադեմիայի տարեկան ընդհանուր ժողովը.— ասաց նա,— տեղի է ունենում Հայրենական մեծ պատերազմում սովետական ժողովրդի տարած պատվական հաղթանակի 40-ամյակի նախօրյակին: Ելելով այս պանծալի տոներ, մենք՝ գիտության աշխատողներ, հայաստանում եմք վերհիշում այն դերը, որ խաղաց գիտությունը մեծ հաղթանակի գործում:

ՍՄԿԿ Կենտկոմի 1983 թ. ապրիլյան պլենումը.— այնուհետև ասաց նա,— նշեց երկրի տրեստական և մշակութային նոր վերելք ապահովելու ուղին, որով անշեղորեն բերանալու համար անհրաժեշտ է խիստ պահանջներ ներկայացնել բոլոր գիտական հիմնարկներին, աղբյուրում և գիտությունների ակադեմիաներին, որոնց հիմնարար հետազոտությունները պետք է նոր ուղիներ բացեն գործնական, անտեսական խնդիրների լուծման համար:

Այնուհետև Վ. Հ. Համբարձումյանը անդրադարձավ գիտական տարբեր հիմնարկների կատարած տեսական ու գործնական կարևոր նրջանակություն ունեցող աշխատանքներին, զրանց բարձր գնահատական տվեց և շեշտեց առանձին գիտական կոլեկտիվների աշխատանքը բարելավելու, այսօրվա հրատապ խնդիրների լուծմանը ծառայեցնելու անհրաժեշտությունը:

Վերջում Վ. Հ. Համբարձումյանը հավաստիացրեց, որ հանրապետության գիտնականներն այսուհետև ևս պատվով կկատարեն իրենց առջև դրված խնդիրները և կուսակցության

XXVII համագումարը կդիմավորեն նոր նվաճումներով:

ՀՍՍՀ գիտությունների ակադեմիայի 1984 թ. գիտական և գիտակազմակերպական գործունեության հիմնական արդյունքների մասին զեկուցումով հանդես եկավ Հայաստանի գիտությունների ակադեմիայի ակադեմիկոս Գ. Ա. Գալոյանը, որը կուսակցության առաջադրած նոր պահանջների լուսի ներքո վերլուծեց հաշվետու ժամանակաշրջանում ՀՍՍՀ գիտությունների ակադեմիայի գիտնականների ձևով բերած հաջողությունները:

Չեկուցման շուրջը ծավալվեց մտքերի փոխանակություն, որին մասնակցեցին Հայկական ՍՍՀ գիտությունների ակադեմիայի ակադեմիկոսներ Ա. Բ. Նալբանդյանը, Լ. Մ. Զեբաշյանը, թղթակից անդամներ Վ. Վ. Արևեսևսկին և Պ. Մ. Հերունին:

Այնուհետև «1941—1945 թթ. Հայրենական մեծ պատերազմում սովետական ժողովրդի հաղթանակի համաշխարհային պատմական նշանակությունը» քննարկող զեկուցմամբ հանդես եկավ Հայկական ՍՍՀ գիտությունների ակադեմիայի ակադեմիկոս Բ. Ն. Առաքելյանը:

Տարեկան ընդհանուր ժողովում կայացավ Հայկական ՍՍՀ գիտությունների ակադեմիայի պարգևների հանձնման ամենամյա հանդիսավոր արարողությունը:

«Մեծարժան գիր» ստացավ ՀՍՍՀ ԳԱ ակադեմիկոս Մ. Վ. Կասյանը:

Ընդհանուր ժողովին մասնակցում էին ընկ. ընկ. Կ. Ս. Գեմիրեյանը, Բ. Ն. Սարկիսովը, Յ. Տ. Սարգսյանը, Կ. Լ. Դալլախյանը, Լ. Ն. Ներսիսյանը:

Մայիսի 5-ին տեղի ունեցավ Հայաստանի գիտությունների ակադեմիայի բաժանմունքների տարեկան ժողովները, որտեղ հասարակական գիտությունների բաժանմունքների 1984 թ. գործունեության հիմնական արդյունքների և հետագա անելիքների մասին զեկուցումներով հանդես եկան բաժանմունքների ակադեմիկոս Գաբուրյանը, ՀՍՍՀ ԳԱ ակադեմիկոսներ Բ. Ն. Առաքելյանը և Գ. Ա. Բրուտյանը: